



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Xefatura Territorial da Coruña

Servizo de Coordinación da Área Cultural

Vicente Ferrer, 2 - 3.ª planta
15008 A Coruña
Tel.: 981 185 693
Fax: 981 185 891



SXPA	ED 102A 2017/075-0
EXP.	245/17

RESOLUCIÓN SOBRE SOLICITUDE DE AUTORIZACIÓN PARA TRABALLOS SILVÍCOLAS NO MONTE SOLAR, SAN VICENTE DE NOAL NO CONCELLO DE PORTO DO SON E O PROXECTO DE CONTROL ARQUEOLÓXICO PARA TRABALLOS SILVÍCOLAS NO MONTE SOLAR, SAN VICENTE DE NOAL NO CONCELLO DE PORTO DO SON

Vista a solicitude de autorización para traballos silvícolas no Monte Solar, San Vicente de Noal no Concello de Porto do Son e o Proxecto de control arqueolóxico para traballos silvícolas no Monte Solar, San Vicente de Noal no Concello de Porto do Son, e tendo en conta os seguintes:

Antecedentes e feitos:

O proxecto e presentado polo promotor CMVMC San Lois, Solar, Carballoso, Fieiro, Costado e Pedrices (registro xeral de entrada no edificio administrativo da Xunta na Coruña do 15 de febreiro do 2017 e o 21 de febreiro de 2017 na sección de arqueoloxía), no marco da solicitude de autorización de labores traballos silvícolas nas parcelas suxeitas a protección. Os traballos silvícolas céntranse nunha clara mixta na zona de Agro da Mansa e de poda alta no lugar de Pafito.

Consideracións e fundamentos técnicos:

O promotor xunta o proxecto de control arqueolóxico de ditos traballos no que incorpora unha serie de cautelas có obxecto de non afectar aos bens arqueolóxicos, aos que deberán engadirse as sinaladas nesta resolución no resolvo.

O proxecto arqueolóxico precisa, a vista do informe previo do Servizo de Arqueoloxía, a súa autorización da Dirección Xeral de Patrimonio Cultural ó tratarse da realización e dirección dunha actuación arqueolóxica recollida no capítulo IV do título VII da Lei 5/2016 do patrimonio cultural de Galicia e no artigo 1º do Decreto 199/1997 que regula a actividade arqueolóxica na comunidade autónoma de Galicia.

Vista a Lei 39/2015, do 1 de outubro, do procedemento administrativo común das administracións públicas; a Lei 16/2010 de 17 de decembro, de organización e funcionamento da Administración Xeral e do sector público autonómico de Galicia; Lei 16/1985, do 25 de xuño, do Patrimonio Histórico Español, Lei 5/2016, do 4 de maio, de Patrimonio Cultural de Galicia, o decreto 199/1997, do 10 de xullo, polo que se regula a actividade arqueolóxica na comunidade autónoma de Galicia, a Resolución do 5 de decembro de 2016 (DOG nº 246, do 27 de decembro), da Dirección Xeral do Patrimonio Cultural, pola que se delega no titular da Xefatura Territorial da Coruña o exercicio de determinadas competencias en materia de patrimonio cultural; o Decreto 146/2016, do 13 de novembro, polo que se establece a estrutura orgánica da Xunta de Galicia, o Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia; e o Decreto 4/2013, de 10 de xaneiro (DOG nº13, do 18 de xaneiro), polo que se establece a estrutura orgánica da Consellería de Cultura, Educación e Ordenación Universitaria.

Esta Xefatura do Servizo de Coordinación da Área Cultural da Xefatura Territorial da Consellería de Cultura, Educación e Ordenación Universitaria da Coruña, no ámbito das súas competencias,

RESOLVE

Autorizar os traballos silvícolas no Monte Solar, San Vicente de Noal no Concello de Porto do Son.

Autorizar a realización do control arqueolóxico para traballos silvícolas no Monte Solar, San Vicente de Noal no Concello de Porto do Son coas seguintes condicións:

- A liña de baliza deberá estar, como mínimo, a 10 metros do límite exterior dos xacementos.
- A superficie balizada arredor dos bens correspóndese coa reformulación sobre o terreo da área de protección integral e, dentro dela, non se poderán arrancar os tocos nin realizar ningunha outra remoción de terras.
- A superficie comprendida na área de protección integral, reformulada sobre o terreo, non poderá ser reforestada.
- Nun radio de 30 metros desde o límite exterior dos bens non se poderá xuntar, almacenar nin realizar aprovisionamento de calquera material de corta ou maquinaria pesada.
- Non se abaterán as árbores sobre os xacementos.
- Non se realizarán apertura de accesos ou outro tipo de actividades complementarias que poidan alterar os xacementos.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Xefatura Territorial da Coruña

Servizo de Coordinación da Área Cultural

Vicente Ferrer, 2 - 3.ª planta
15008 A Coruña
Tel.: 981 185 693
Fax: 981 185 891

galicia

- A retirada do material cortado será feita de xeito coidadoso e con maquinaria adecuada para non danar os bens.
- Nas áreas de protección delimitadas pola normativa o arrinque de tocos, levarase a cabo con control arqueolóxico de remoción de terras.
- A vista dos resultados da actuación arqueolóxica, poderán modificarse as condicións da autorización das obras.

Dirixida por : **Manuela Pérez Mato**

Ámbito: **Petróglifo de Outeiro de Malda 1 e 2 e Mámoa de Pafito**

Protección: **Catálogo do Patrimonio Cultural de Galicia**

Tempo de realización : **1 días**

Clasificación da actividade : **Preventiva**

Os materiais arqueolóxicos depositaranse provisionalmente, no prazo de seis meses, no: **Museo Arqueolóxico e Histórico da Coruña**

Deberanse comunicar as datas de inicio e remate da actuación. De apareceren restos arqueolóxicos deberase informar, á maior brevidade posible, á Xefatura Territorial da Coruña, que adoptará as medidas oportunas. Rematada a actuación, e nun prazo máximo de dez días, presentarase un informe valorativo da mesma, e no prazo de seis meses a memoria técnica e copia da acta de depósito estendida polo responsable legal do Museo. Unha copia desta documentación presentarase en soporte dixital.

Esta autorización concédese sen prexuízo doutras autorizacións ou licenzas que sexan necesarias, se é o caso, por aplicación doutras lexislacións sectoriais.

Contra esta resolución poderase interpoñer recurso de alzada perante a persoa titular da Secretaría Xeral de Cultura da Consellería de Cultura, Educación e Ordenación Universitaria no prazo dun mes, contado dende o día seguinte ao da súa notificación, de conformidade co disposto nos artigos 30, 121 e 122 da Lei 39/2015, do 1 de outubro, do procedemento administrativo común das administracións públicas e co artigo 26.3.c da Lei 16/2010 do 17 de decembro, de organización e funcionamento da Administración Xeral e do sector público autonómico de Galicia.

A Coruña, 2 de marzo de 2017

A directora xeral de Patrimonio Cultural

P.D. O xefe territorial da Consellería de Cultura, Educación e Ordenación Universitaria na Coruña
(Resolución do 5 de decembro do 2016, DOG. nº246, do 27 de decembro)

Indalecio Cabana Leira

